

## **Feeriarnermi isummersuutissat – Angalaninni korti akiliut mianeriuk.**

### **Angalaninni korti akiliut mianeriuk**

Kuffertivit imminginnerani, angalanerpiit nalaani qanoq ilillutit aningaasatigut ajornartorsiulinnginnissat eqqarsaatigilluagassaavoq.

Aasaanerani kaasarfissiorluni tillinniat pinerluttartuaqqallu amerlasuut pisarnertut ulapittaqaat, taamaammallu kortip akiliutip paarilluarnissaa peqqutissaqarluarpoq, assersuutigalugulu korti atorlugu akiliigaanni aningaasanillu tigusisarfiit atoraanni mianersorluartariaqarpoq.

Aningaasaqarnikkut ajornartorsiuteqalerluni feriarnermi misigisassanik maangaannartitsinissaq qanoq pinngitsoortinnissaa pillugu PBS siunnersuutinik arlalinnik eqiterisimavoq. Siunnersuutit tamakku uani eqikkarpavut:

## **Angalanissaq sioqqullugu**

### **Akileeriaatsinik allaanerusunik isumannaarit**

Kortit annaassagukku, tillinneqassappat imaluunniit matuneqassappat akileeriaatsit allaanerusut eqqarsaatissaqippat. Saniatigut kortimik akiliuteqarnissaq inassutigaarput, taamaaliorneq ajornaannerusarmat.

### **Aallannginnermi kortimut piumasaqaatit atuakkit**

Danmarkimi nunanilu allani kortip atornissaanut piumasaqaatini atugassarititaasut atuareeraanni isumatusaarnesuvoq, ilaatigut kortimi aningaasat amerlassusissaasa killingi, korti atorlugu aningaasanik tigusineq qanoq akeqarnerisq il.il.

### **Kortip immikkut periarfissiissutai atorluakkit**

Aallannginnermi kortimut piumasaqaatit misissussallugit immiut akilersinnaavoq. Selskabit kortinik isumaginittut amerlasuut immikkut arlalinnik periarfissiissuteqarput, kortip suussusia apeqqutaatillugu (guld, platin il.il.). Assersuutigalugu selskabit arlallit angalanermut nassatanullu assigiinngitsunik sillimasiinernik neqerooruteqarput, taamaalilluni feriarnermi aningaasartuutit sipaarneqarsinnaallutik. Matussusiinissarli naammannerisq misissorluassavat – angalaneq korti atorlugu akilerneqarsimappat sillimasiineq taamaallaat atorsinnaanersq, nalinginnaasumimmi taamaakkajuttarmat.

### **Aningaaserivik/kortiliortoq ilisimatikkitt**

Sivisunerumaamik feriassaguit, kortillu nalinginnaanngitsumik atortariaqartussaassagukku feriarnissannut pilersaarutit pillugit aningaaserivik imaluunniit kortiliortoq ilisimatikkitt.

Assersuutigalugu arlaannik pisoqassagaluarpat aningaaseriviullu attaveqarfiginiartariaqassappat attavigineqarfigisinnaasat pillugu ilisimatitsissaatit.

## Feriernerup nalaani

### **Pinkode mianersuutiguk**

Nunatsinnitorluinnaq aamma nunani allaniinnermi pinkode toortaraangakku eqqaatunginniittut alaatsinaalluartassavatit. Pinkode paasineqarpat, kortilu tillitsikkukku atornerlunneqarpallu, nammineerlutit aarlerinaatinut sillimmaserneq 1.100 kr. akileriaannaavatit. Kortimik piginnittoq annertuumik mianersuaalliorsimaguni kortimik piginnittoq 8.000 kr. angullugit akiliinissamut akisussanngortussavaoq. Akisussaaffeqarnermut akiliisussaataitanermullu malittarisassat allat pillugit paasissutissat kortimut piumasaqaatini takukkit.

### **Korti nakkutigiuk**

Pinkodip paarinissaata mianersuunnissaatulli, akiliinernut atatillugu korti sapinngisannik aamma alanngisaannassavat. Taamattaq inassutigissavarput kortip katassimannginnissaa/annaasimannginnissaa akuttunngitsumik misissortassagit.

### **Kortitit ataatsimoortillugit paarissanngilatit**

Kortit aningaasatut, pas-itut, peqqinnissaqarfimmut uppersaaitit assigisaattullu taamatorluinnaq paarineqassapput. Kisiannili tamaasa ataatsimoortillugit soorunami tigummiassanngilatit, taamaakkaluarpas ataatsikkut tamaasa annaariaannaassagakkit.

### **Aningaasanik tiguisarfinni**

PIN-kode toortaraangakku allanit isigineqannginnissaa isumagisassavat. Aningaasanik tiguisarfimmi naammassereeraangavit korti aningaasallu ataatsimoortillugit tigussavatit, uppersaallu toqqorlugu. Sumiikkaluaaraangavilluunniit aningaasanik tiguisarfinniitillutit inuit ikiuukkumatuallaat mianersuulluinnartassavatit.

### **Uppersaaitit misissukkit**

Uppersaaitit misissortariaqarpatit, atsiunnginnerinilu eqqortumik immersorneqarsimanersut tamatigut misissortassavat. Uppersaaitit assilineri tiguisarfinnilu uppersaaitit tamaasa toqqortakkit, angalanerit naammassereerpat kontot misissorsinnaassagaku.

### **Korti tammarsimappat imaluunniit atornerlunneqartoq pasitsaakkukku**

Korti tammarsimappat imaluunniit atornerlunneqarsimasooq pasitsaakkukku ingerlaannartumik qisuariaateqassaatit. Sapinngisamik piaartumik aningaaserivik/kortiliortoq attaveqarfigiuk. Aningaaseriviup ammasarfiisa avataani PBS attaveqarfigisinnaavat, oqarasuaat + 45 44 89 29 29 (imaluunniit oqarasuaatip normua alla kortimik tunniussisup malittarisassaani allassimasooq).

### **Aningaasat amerlassusissaasa killingat ilisimajuk**

Kortini akiliutini tamani kortimik atuinissamut aningaasat amerlassusissaasa killingi aalajangerneqarsimasarput. Visa/Dankort atorlugu nunani allani akiliisarnerni ullut 30-t ingerlanerini 20.000 kroner atorsinnaavatit – tassalu aningaasanik tiguisarfinni akiliisarnernilu. Taakku 20.000-it niuerutiginninnernut tamanut atuupput. Aningaasat amerlassusissaat sipporneqarpata kortip

atornissaa itigartitsissutaassaaq. Tamakku saniatigut Visa/Dankort atorlugu aningaasanik tiguisarfinni ullormut amerlanerpaamik 2.000 kr. tigusinnaavatit. Kortini allani atuinissamut killissarititaasut assigiinngitsuupput, kortip suunera aningaaserivullu suunera apeqquaatillugit.

### **Aningaasartuutit eqqumaffigikkit**

Kortip aningaasanik tiguisarfimmut mangunnissaa pisariaqartitallu malillugit aningaasanik tiguisarneq ajornaatsuusarpoq, aningaasanilli tiguisarfiit aningaasanik anioraatitsineri tamatigut immikkut akeqarput. Visa/Dankort eqqarsaatigalugu 2.000 kr.-t angullugit tigusigaanni 30 kr.-nik akeqarpoq, kortit allat eqqarsaatigalugit allanngorarsinnaallutik. Kortip atornerani aningaasartuutitut allanut aningaaseriviup akinut allattorsimaffia takuuk.

### **Feriarnerup kingorna**

#### **Konto misissoruk**

Uppernarsaatitit tamatigut toqqortariaqarpatit, feriarnerullu kingorna konto misissoqqissaalaarlugu, misissussavallu niuerutigisimasatit tamarmik kortinnik atuisimaninnut tulluunnersut. Taamaattoqangippat ingerlaannartumik aningaaserivinnut maalaarutiginnissaatit.